



0092914

石船居古今體詩賸稿

元和初集卷第六

喜雨

七月炎風送客舟，秋郊禾稼碧於油。
到官恰有通宵雨，不是隨車是解愁。

角直謁甫里先生墓

千年坏土在江村，來挹清風拜里門。
釣具詩多魚不滄，彈丸客至鴨能言。
荒落一逕通祠宇，巨石三吳有子孫。
茶竈元和集

卷六

一 石船居賸稿

潦農謠

早稻生芽田又綠，晚禾入水浪翻黃。
更聞高阜無全粒，愁說明荒又暗荒。

沒脛刈禾惟得半，凭船撈稻更無多。
終朝呵凍猶胼手，無食無衣苦奈何。

年年曬稻就田乾，今年曬稻縛竹竿。
莫怪吳農場未築家，中積水深至腹。

典衣買竿不嫌苦，無竿可買稻終腐。
昨日城頭竹市空，退



水但望西北風

北風獵獵寒刺骨攜鎌下水行屢蹶稼穡艱難我亦知此
情未見誰信之

登寢浦寺樓用東坡橫翠閣詩韻

西隄三三橫東隄兩兩縱層樓踞隄上覽盡湖天容湖天
莽青蒼空闊疑無物惟有白楊花飛飛撲人額人生百年
安可期此湖往事誠堪悲城郭人民一朝盡過之使我攢
雙眉綠波空自年年好佛像也如人易老桑田滄海不須
哀甯知水底非樓臺鐘聲若解談天寶便向湖心捉月來

元和集

卷六

二 石船居賸稿

寺在陳湖濱湖又名沈湖相傳爲邑聚所陷故名至今水
涸時街衢之迹猶隱隱可辨寺懸一鐘爲明末弘光元年
鑄上有天寶六年
春地陷成湖等字

歲暮巡鄉舟中雜詩

輕舟乍轉葑門東來趁黃天蕩裏風行過車坊帆未落又
聽飛雪打孤篷

江合吳松水路寬陳湖飛渡晚煙寒曾居壯麗民居陋寢
浦重經未忍看

魚梁蟹簍鎖溪濬野市千家夾水濱父老猶能談往事荒
煙叢有宋宮人

返棹西循甫里塘天隨游釣此江鄉壽昌橋下閒停櫂無
數魚罾晒夕陽

雙板橋西暮靄橫斜塘燈火隔江明一篙又泊霜林外尙
聽漁舟曳網聲

金雞湖上曉晴開解纜今朝向北來激絕沙河風浪靜波
痕綠到唯亭回

竿頭飛電徧江村外跨塘邊晝已昏歲事闌珊民未樂獨
含愁思入婁門

辛卯元旦

元和集

卷六

三石船居贖稿

觚棱瞻拜日重光南國葵心本向陽雲物中天占玉燭冠
裳元會集金闈六街春入桃符朗四坐杯浮栢酒香民樂
歲豐親健在綵衣還喜雁成行

斜塘

出郭重湖接斜塘一水過市塵惟酒肆村市少絃歌農困
租風壤漁繁盜藪多近郊非化外易俗爾如何

車坊

東過黃天蕩車坊落眼前荷花三面路葶薺四圍田估舩
官徵稅民居戶有船地窪生計苦粗獷正堪憐

周莊

急灘經上下一棹入周莊佛閣輝林表人煙映水鄉江猶
名白蜨劫憶免紅羊問俗還堪幸風薰粟里長

髮逆之亂鎮無賊踪

陶子春先生照高士也居此鎮久人多化之

陳墓

陳湖飛渡去闐闐枕清潭市散漁歌近人歸酒氣酣界分
塘上下地極邑東南葬玉知何處名猶婦穉諳

冉直

甫里天隨宅湖山迴不凡千家安靜市六浦去來帆歲稔

元和集

卷六

四石船居贖稿

民情樂堂新士氣誠

甫里書院近由沈君國琛重葺甫落成生童應課者頗盛

張林回

望處榛莽未全芟

五渚涇

亂水圍荒市民居午不喧旗陶成世業村舍盡煙痕地近
宣公里人歸齊女門峭帆穿樹出湖浪極天翻

泖涇

湖勢疑東注波心得地偏作橋能扼險列肆帶耕田市小
無流寓宵深有誦弦誰家門列戟揚僕是樓船

蚤行

曉煙濃淡勒朝暎煙外浮圖半有痕風撲肩輿寒意透霜
華滿地出盤門

獨醉

槎枒肝膽氣輪囷摧折年年豈有因磨蝎命宮天地窄拙
鳩生相性情真東來易覓要離豕西望難遮庾亮塵獨醉
浩歌還斫劍此心何意負君親

初夏漫興

藤花如珞影垂垂翠輦衝齋與夏宜吏事餘閒時學圃新
牽豆蔓上疏籬

元和集

卷六

五
石船居贍稿

榆槐夾道柳依牆鳴鳥鳴蟬韻短長漫道官衙無野趣綠
陰深處是堂皇

出門一笑草如秧深翠濃青徑欲荒更愛鳴騶來去路小
橋流水隔垂楊

淮張廢陞莽朝煙闌入肩輿影似絲幾日戴星行過處閒
情欲賦撻雲篇

禱雨不應無以寫憂讀湘社諸君子詩有五平五仄

體因戲仿之

連朝風南來禱雨不卽雨蒼天誠難知赤地可逆觀高原

黃埃飛下潤絲草腐農言田皆龜或慮穀易盡深耕何由
施晚種恐莫補方當分秧忙轉爲覓水苦長渠無涓流曲
隴悉煨土還虞蝗蝻生更受蠚蠹侮疲吐咸嗟吁長吏自
責數雖攄升香虔弗見尺澤溥斯民如嬌嬰久旱比絕乳
蚩蚩其何辜滌滌已泰撫遙聞忠夔間亦未播殖普荆湖
東沿江汝潁北至魯今春皆晴乾到處等斥鹵懸知占豐
難益思不逞取何人方毆魚異類况狎虎吾曹深盱衡每
會輒覩讓羞安帷中巢愧曳帶下組非邀重宵恩孰使百
病瘡愁懷期之賒卜語吉可取明當支逢辰兆應日卓午
元和集

卷六

六 石船居賸稿

雷驅癡龍癡石化舞燕舞繁喧傾銀河急溜瀉玉柱千畦
鳴淙淙萬派沚縷縷青蔥蒸嘉禾翠潤慰老圃登場如坻
京入室溢釜庾歡歌歸神功詠事播樂府環瀛胥來同此
樂信足詡胡爲炎歛中籲請尙偃僂

王少谷同年

念祖

之官梁溪用張子紱孝廉

祥麟

贈

詩原韻送之卽柬子紱

大官睥睨如秋鷹小官如鷄噤不騰溼薪一束捫刺菱吾
曹氣冷逾寒冰王郎已化北溟鵬胡爲瀛門至弗登倒持
手版學謙稱來百僚底同拜與眾中不語心何澄過我強

飲酒一升文愛廬陵詩杜陵縱談於短髮鬢髻梁溪積霧
盼日昇不咎毒螫咎癡蠅羶窟已見腹中癥萬口呼天天
不磨君去蒼赤有依憑清節旣比苦行僧內慈母愛外威
稜獠惡先檻豺豹騰莫問官符大府憎屣視銅印百可勝
欲求同志我署能張子未焚游趙登投詩約下笠澤督賤
子輒以義相繩豈特詩骨齊峻嶒

病中喜雨

濃雲低壓午窗昏檐溜潺潺徹耳喧數強起時知我憊再
難緩處見天恩卧看庭樹青於洗夢繞畦秧綠滿村自笑
元和集

卷六

七石船居贖稿

歌呼都未暢病魔漸欲避詩魂

晚坐

訟庭人散日初斜閒敞衙齋自品茶坐久始知風正緊階
前落徧紫藤花

銷夏雜詠六首

方枕

方枕黃筠製支頤睡易安更無圓轉候學到此君難

皮簟

廣南香簟香生涼吁可愛酣眠午不知忽念農夫背

資登

等是南州產獨無熱中能昨朝有客來坐久似不耐

輒案

任土長洲貢彤輝綠玉輒漆髹光可鑑伏案想朝天

長洲貢輒

植自陸墓漆以為案於夏宜王筠莊贈物也

蠅帚

塵豈不畏尾持此蠅可辟漫矜禦侮才驅除是我力

硯圖

百幅硯形古圖作屏風張朗誦高寥銘四壁虛生涼

宿遷王氏

元和集

卷六

八 石船居贖稿

家藏本南阜老人高鳳翰手鐫者

子紱以長句見贈依韻酬之

我生未嗟淪落長如羅江東亦未羨不交人事阮仲容文

章厭薄飢驅走腰間劍淬霜芙蓉追隨遼海多豪俊磨盾

橫戈皆力任一朝蔽日悲浮雲氣冷邊門山下陣竭來懷

牒去京華九載吳船逐浪花熱淚悽酸窮佃苦雄心消沮

長官衙客邸逢君如宿好鄉里少年驚漸老往還益覺性

情真憂思那禁顏色槁論文幾度共銜杯經義紛綸解渴

梅廢疾膏肓鍼更起公羊大指獨昭回肯矜湖海元龍氣

奉倩神傷羈異地官書新爲大師編妻服全搜博士議

南皮

張香濤制府欲爲易長編子紱爲之分纂妻服考則其夫人曾季碩歿後子紱痛悼之餘所手輯者也 祇今

進退竟何如烏鵲橋南靜讀書海內名流半知已彈冠豈

復戀姑餘鰥生不欲苦愁歎西望岷嶓雲厯亂蕭蕭風雨

鷄爭鳴與子行賡旦復旦

題歸安姚彥侍方伯

覲元

青山明月圖追和原韻

方伯

觀察川東時月夜步巡得詩有數聲寒櫛不知處處處青山明月中句童翰夫學博楨因爲繪圖

頻年吳下逐風塵曾見平泉自在身詔起東山星遽殞蒼

生何意失斯人

方伯自粵藩罷歸寓居吳下去歲有詔起用九月遽歸道山

元和集

卷六

九石船居贅稿

校經萬卷圖書富持節三州政教明蜀鄂嶺南傳畫像文

章經濟一書生

佛圖關下路斜通歸思時隨萬里風他日渝州看山月思

公如在此圖中

題姚彥士方伯涵秋閣圖

閣爲其京寓故居初授川東道時所繪

十年五過東川道東路人人說公好已驚淚墮去思碑始

欣畫展來時稿來時小閣別涵秋景借倪迂妙墨留珠玉

琳郵題贈滿輕裝壓重五花騶解裝按部巴人國頌聲傳

徧魚鳧側棠陰黍雨七年深所部百城忘帝力部下民風

半強悍賣刀賣劍羣驚歎理枉能伸筭格寃鉏奸豫絕荏
苻亂巡方所至求民莫人滿爲患利未博梯田種稻力何
艱隙地栽桑功可作穉桑遠自公鄉來頌書勸植先城隈
蠶師教蠶收效速綠陰剪盡雪盈堆機聲四起于家樂滿
市新絲金閃灼神祠爭祀馬頭孃爲公畫像留高閣佛圖
關外祠長在百首詩歌申愛戴士林况被育陶恩吏治應
無奔競態政成公意亦遽遽萬壑千巖築退居公于道署
建一樓顏
日千巖萬壑金石縱橫書滿架回看京邸復何如一從移節下

元和集

卷六

十石船居贛稿

語歸舟便載鬱林石遂初聞作吳門客咫尺進齋中天地寬

公顏所居聽雨陶庵應似昔涵秋閣本朱野雲舊賤子一

官牛馬走屢邀容接傾尊酒訪舊愴懷問字師先師童孺
芬觀察爲

公至契語及輒泫然論文愧例忘年友何期一旦靈光圯

帝詔起公公不起庭前入哭多賢豪身後甚富惟書史我
今展卷黯銷魂畫手詩才且莫論披圖細認宣南路說與
家山父老定作西州門

懷人詩十首

一燈相對四年餘別久尋君正讀書流水浸階山繞屋朝

川何似故人居

瀘州朱笏山茂才天池

刊落名心事陸莊渭陽情思在符陽少岷山色之溪水都

爲生徒滌胃腸

舅氏黃繼可先生垂

交友得君知可畏稜稜霜面意温其廿年不見葉夫子苦

憶梧陰並坐時

新都葉星亭明經文光

錦江歡聚論文日京邸悲歌下第年大好吾州富山水莫

教蕉萃厭青氊

成都郭少仙學博堯源

才氣諸兄遜季駟論詩說劍有風華直將墨雨爲膏雨種

徧燕南趙北花

瀘州高拙園大令楷

元和集

卷六

七

石船居賡稿

枳棘羈栖十四年好官又到鳳凰邊衙齋樂事兒孫滿卧

聽書聲不問錢

會稽陶霖普大使應潤

快馬如龍雪亂飛邊門並轡屢忘歸祇今夢繞佟佳水不

道張綱已繡衣

錢塘張今頗觀察錫鑾

抵掌雄談擊節頻睨旁僮楚苦生嗔偶思十二年前事腸

斷元菟海上塵

黃縣孫小帆上舍宗翰

結髮從戎老不官尊前猶說報恩難中興諸將功名壯誰

識斯人冷眼看

密雲李友泉副戎合春

雪花如掌酒樓開痛飲狂歌日幾回別後腰圍知漸減雞

林今歲有書來 通州楊伯馨太守同桂

劉八大令詠臺 樹仁 書來述近事甚悉爲之大快展

玩手迹亦殊可愛詩以畱之

劉郎作官如作書骨幹瘦硬神有餘筆力才力兩橫絕知君本在交之初今年之官數月耳惠山歌詠家家起第一清名冠等倫不似名泉居第二從政風流擅年少折獄久著神君號笠澤曾留種竹思吳城更爲栽花到花栽滿縣待花開訛言忽自西北來祆廟易滋中土忌阿房先見比鄰灰隔朝響應風聲惡鄉僻頻驚一炬作民愚也欲火其元和集

卷六

三 石船居贛稿

書眾怒何曾先有約一經馳諭惶然退父母青天誰敢背正思鉤距得真情忍使桃僵令李代何物來周妄越俎自矜能作侏僂語勢將羅織及池魚隱恃奧援如社鼠看君奮袖膽氣麤直呼豎子胡爲乎吾官可去不可怵良民豈任輕寃誣波斯在旁口如噤萬目注觀生畏敬立教恫喝轉羞惶始知世有強項令熟權利害更心苦纏纏千言申大府不愁外衅啟纖微只恐下情深怨詛民情國體願兼籌掩耳誰爲曲突謀上官不恡轉圜速君非好辯實深憂吁嗟乎吏道卑卑日波靡吾輩如君能有幾南八男兒古

所稱卽今劉八亦傳矣我得君書先愛字書中况皆快意
事何當模寫作箴銘激厲同官強毅志

立秋前一日苦熱不寐

炎風吹盡轉增威徙倚深宵久未歸一葉欲隨涼露下四
更猶見火雲飛茶因過飲眠難穩簟已頻移汗自揮便祝
騎秋新雨足來朝睡起看斜暉

再起伏龍行

并序

五龍祠在長洲烏鵲橋南祠內方池大旱不竭相
傳下有五井爲五龍所居投以片鐵則雷雨立至

元和集

卷六

七

石船居贖稿

臨桂陳文恭公撫吳時禱雨於此刻石記之光緒
辛卯五月苦旱同官一試其法頗獲靈應七月初
又不得雨擬復循故事讀東坡起伏龍行與此頗
合然余輩則爲再三之瀆也作再起伏龍行

澗潭古井深無底碧影沈沈朝霧起驕陽不到神物蟠一
怒能令萬姓喜今年旱象苦煩仍下田五月生蒼耳白鷺
已盡銅佛來雙犁未足分秧水城南委巷五龍宅碑著靈
蹟存廟祀偶循故事寸鐵投鼓鬣揚馨興尺咫風雷催透
三日霖吳農歡舞萸花裏邇來又復長炎蒸疵癘漸盛禾

如燬東軒幾日望西雲見爪未能空徒倚得無施澤已及
民功遂身退如君子不然力倦但貪眠自守領珠亦可恥
昔聞佐命負圖書變化儵忽擅奇詭滌隆一氣噓煙青睞
睽雙睛飛電紫膏澤四海知有餘養晦潛淵誰所使卽今
重作批鱗計鑄錯要非自我始竟欲五君齊奮迅倒瀉天
瓢潤千里明朝雨足新詩成還熱心香薦芳芷
寘鐵於龍池之日午後濃雲如墨俄有白氣上屬天
矯如長虹見者皆呼曰龍吸水矣逾時乃不見雲
亦漸散而仍不雨詩以慨之

元和集

卷六

十四 石船居贖稿

神龍神異不可猜怒之不怒狡獪來遊戲三昧故遲回狂
喜不禁還自咍靈湫十丈無纖埃錚錚一擲波爲開騰空
不見挾風雷掉頭忽訝雲成堆黝然深黑如松煤中有匹
練燭城隈非煙非霧光皚皚長虹蜺霓同奇恢耆童拍手
爭喧厖驚呼水氣入髻鬢須臾雨勢能徧該天瓢倒若傾
尊壘久之寂寂空徘徊農嗟婦歎猶望梅而我尤覺心肝
摧酷吏之酷良可哀爲霖不效志豈灰阿香惜未相追陪
不然見首胡爲哉

得季弟亮儕東鄉來書喜賦

渠水胥山萬里程中年兄弟久離情家書報我荆花好宦
味輸君首荷清草綠尙牽靈運夢槐黃又踏錦官城板輿
近日關心事南北秋風聽鹿鳴

弟方應舉成都伯氏亦挈昂兒赴京兆試

禱雨滄浪亭日必再至風物之美因得縱觀旣得雨

之明日作詩以紀其勝

檐帷獵獵吹炎風清景乃在塵勞中隔溪上覆垂楊綠飛
橋下有新葉紅入門一笑不知暑石氣森森蒸露滑迴廊
斜踏樹陰行來挹荷香對芳渚

奇疆下作蒼龍腹蹇然足音在空谷穿巖轉訝路仍迴捷

元和集

卷六

五 石船居贖稿

徑自知途未熟回看洞口荒苔青紅薇半褪倚亭亭細篠
幽藤行盡處鷗碕正傍蓼花汀

碕南閒坐觀魚檻碕右斜通餉鶴林有竹有花園石屋爲

問何人心印心

印心石屋爲陶文毅撫吳時作

背山十級平臺起牆外山

光牆下水一聲漁篴鷓鴣飛晚煙散入空青裏

僧房四面迷雲樹半痕涼月淒煙霧蘇寥吟魂定可招欲
行未行重回顧一宵急雨鳴清秋白衣仙人不可留

近自光福

迎銅觀音來供養于此以致禱水榭迴環蒼翠裏濯纓有夢心悠悠

宋松存同年以五平五仄互用及全平仄詩四首見

贈依韻禽之

卑官猶轅駒久矣厭鞅勒塵勞無時無苦憶五畝宅荷齋
清風來好友永慕悅高談傾金樽莫問孰主客

几案翠欲滴開軒藤陰中與子坐歎詠條然如輕鴻世俗
競得失澄心觀蒼穹富貴豈不重終皆成虛空

江南方悲秋浮雲飛空中蘭苕香初銷蛩蟹聲何雄昂昂
青松姿炎炎驕陽烘淩霜無涸容心期將母同

性豈物可比未老詎不辣世態縱變幻獨見貴審察觀閔
渺眾口任道繫一髮俟命得有命願守孔孟法

元和集

卷六

六 石船居贛稿

謁徐莊愨公祠

公諱有壬字君青前江蘇巡撫
殉庚申之難祠在中由吉巷

丹心碧血照金閭廟貌長留節鉞光禦侮一時袍澤少衰

忠兩字姓名芳艱難時會紅巾熾慷慨情懷綠水香

公死
節署

思賢堂
前池中

我與吳民同感泣故山西北有甘棠

公初備
兵川北

九日謁曲園俞先生

檇賦呈一律

漫因佳節羨登高得見高人轉自豪鳩杖不扶勞吐哺龍
門始到敢題餠經師老宿寔瀛重文苑儒林左券操坐得
飲醇真意味歸來何事更持螯

家兄自涑水歸高九

楷

贈詩見及次韻禽之

壚之曲符之陽與君鄉思因風長江之南冀之北思君夢
逐桑乾月桑乾見慣月圓缺六年苦說長離別別來事事
不如前回首何堪憶少年錦里槐黃秋色好忠山花舞春
風顛一從飢驅走九邊東過鴨綠踰朝鮮求名不遂如求
仙退飛敢望翩鴻翩竭來仕宦非圖全欲歸不得家無田
西望煙雲思壘墓蜀山萬里吳天暮此心此語試證君旅
魂應繞餘甘渡君官燕趙今幾秋清風一洗疲眊愁三年
四縣栽花滿

君于三年中宰無極
容城完縣始泣涑水

去思來暮心悠悠心交

不恨音書少驛騎况通南北道長兄稚子昨歸來新詩一

元和集

卷六

七石船居贖稿

展纖塵掃詩中意味何醅至念我寂寂同匏繫平反敢詡
博親歡坦率頗難逃眾忌羨君政簡作詩豪棗落訟庭留
客醉醉醒請問今何時攬轡情懷詎可期北地儻能逢伯
樂南中祇欲覓要離君家兄弟歛墳箎都門往復搖鞭絲
棠華館外停班騅定話龍溪松柏枝結鄰舊約無淹遲

蔚然駕部高入激嵐編修皆
官京師龍溪其家別墅也

萬肖園同年

立鈞

以郵笥寄贈所刻陽羨唱和集作

詩報之

燭光倒射目眚赤到眼文書高一尺袖濡朱墨腕爲痠掃

盡官符見詩冊讀詩頓覺神魂清令我意氣凌雲橫吾曹
衲官有萬子俗吏不俗誰敢輕看君得邑風塵少陽羨湖

山復大好雲司遠抱必琴來肖園由刑曹改官立為吳民起枯槁

吳民初訝長官苦舟車案牘日旁午忽驚葇月播循聲益

羨傳家承治譜君家為江南北牧令者四世治譜留貽用屢效文采風

流長照耀即今唱和性情真信有根源在忠孝想當政暇

發清哦逸興豪情樂趣多入又未讓庭筠速三徑時從蔣

詡過謂蔣醉園孝廉萼即與君唱和者傳箋賭韻如飛檄仙吏高人儼勃

敵兩家聲况鳳雛清君二子與蔣兩郎均能詩一卷人同鴻寶覺我得

元和集 卷六 文 石船居贖稿

君詩如得寶愧昔過從殊草草詞壇宗派昧探尋宦海奔

波成潦倒朝來趨府歸迎客夜治官書恆竟夕每慙民事

趁餘閒久置吟毫忘舊癖吁嗟乎作官苦于轅下駒轅下

之官駒不如常懼神疲易消沮偶因技癢重歛獻何當換

縣從君後共向城南訪益友袖攜詩本上銅官買田竟學

東坡客

舟中小病夜泊斜塘賦此自遣

斜塘暮色莽淒清坐冷篷窗厭耳鳴十月霜風能作勢半

湖煙水若為情芳洲蘭杜經秋歇藥籠參苓伴我行一笑

喜聽吳語熟豐年野市盡歡聲

和作

漢州張祥麟

子紱

斜塘夜泊獨吟豪仙吏如君合姓陶虞謝本來懷利

器左思何用貴鉛刀祈年五稼占雞骨愛士千金養

鳳毛為種河陽花一縣暫妨五柳閉門高

又瀘州高車楷

驛騎梅花照眼清天風吹到玉珠鳴故人憶我常通

音聞札遠水含煙最有情十月小霜催稻熟五湖何日放

舟行知君宿疾都全愈市野農歌樂歲聲

元和集

卷六

五石船居贖稿

聞朝陽亂耗口占

昔聞飛將在龍城誰使潢池竟弄兵五斗米原無異術六

鈞弓已拜專征舊交應望餘完卯

余友陶霖甫朱午樵孫壁臣兄弟錢澤遠黃玉

堂皆家朝陽邊吏甯忘矢結纓寄語塞垣諸將帥前車要鑒永

安營

亮儕東鄉書來有詩和韻再疊一首報之

往復家書幾月程還因篋和動詩情語多自責才知歛

來書

多責躬語俸到無餘官更清

東鄉學田收章歲入益薄

葭管信臨長至節梅

花夢遠下蒲城先芬久誦期交勉陰德原來似耳鳴

回舟

回舟迎夕照汎汎在中河寒日晚逾淡沙湖風正多一官
終歲苦雙鬢兩年僑輪雨魚蠻子衝煙發棹歌

舟夜

蜺子山前檣欲傾涸涇橋外波未平朔風吹雨半成雪飛
浪打船先有聲愁入酒杯且一醉卧聽街柝俄三更故園
梅花或念我何日返棹符陽城

肖園同年暨蔣醉園學博皆和余詩久無以報賦此

謝之

元和集

卷六

辛

石船居贛稿

湖山勝處結吟朋掃軌鳴琴各署能空谷足音三徑屐虛
堂心事一壺冰新詩往復箋盈寸寒夜招要酒數升欲往
從之川路阻移官轉恨失平陵

森巖壁壘兩詩豪旂鼓相當氣不撓笑我致師翻棄甲羨
君鬪韻快揮毫商音知動黃門感醉園賦悼亡有
哦月樓哀辭巴曲難

酬白雪高韉板紛拏頻敗興詞壇應不學逋逃

自懺二十韻

東坡苦磨蝎昌黎困箕口命宮與生辰所坐如結紐磨蝎
出自天舉動若相蹂箕口煽自人翕張誰爲喉二者較重

輕憎惡宜分割其毒乃相因賢達難忍受而况我非賢安
之豈可久弗安卒奈何終當自俛首不知解脫方向往非
械杻有得斯有失無譽乃無咎所受皆所施多勝必多負
莫爲雞蟲爭自號牛馬走泰山一毫芒浮雲變蒼狗忘形
與物齊美疢豈我厚平生企兩賢僭妄思尙友鱷魚終可
任鳴瓦缶漫疑利鈍殊須視百年後百年豈及知還問杯
中酒

舟行書所見

元和集

卷六

三 石船居贖稿

誰家好茅屋小築枕湖塢仄徑過橋入危亭隨岸偏煙中
疏密樹門外去來船雨意溟濛裏眞堪畫輞川

雨中過洋澄湖用東坡臘日游孤山韻

天未雪雨滿湖寒煙貼水風浪無殘蘆枯葦蔽舟路掠船
飛鳥時驚呼漁翁一艇兼妻孥兒童衣溼猶嬉娛笑指官
舫去來苦令我對之心煩紆故山松竹交吾廬十年不歸
猿鶴孤疲形案牘厭敲扑美意空羨鞭懸蒲吳田兼并皆
金夫投牒催租盱及哺連朝慰諭徧村野補瘡剝肉難爲
圖靜思微祿眞跼餘知非不去慙衛蘧用蘇句何時一洗官

私逋釣竿蓑笠吾能摹

盼雪久矣而卒不得行縣所至農人方相率致禱喟

然感賦

一冬無雪臘欲盡連朝獵獵霜風號我行鄉野未歸息虔
心默禱空焦勞船窗鎮日望村樹枯林霧漬黃塵高麥莖
萎弱豆苗淺凍泥寒結土不膏農毗奔走集里社鳴鉦伐
鼓焚鷲毛自言祈請率有驗乃今不應嗟磬磬追思盛夏
艱得雨秋穫又與淫霖遭有收遑惜耗已倍租賦相戒無
逋逃所冀天公富膏澤早占三白隨風颺况聞江北苦蝗

元和集

卷六

三 石船居贖稿

患南徐以下時釋騷千金收買在京口百斛遠送來臨濠
非邀積潤掃遺孽終恐人力難鉤撈眾中一麥忽仰笑感
應何至由吾曹調均和氣正有柄牧民之吏宜躬操近事
曷觀歲在子祈雪得雪熙陶陶袞衣旣歸鶴亦化吳民念
此悲號嗚我聞斯語深引咎有懷莫白如煎熬但期天意
憫黔赤銀沙玉絮盈東臯黃紬歸卧豈得卧黨家金帳需
羊羔

湖上

櫓聲靜可聽波影搖未住不見打魚舟已入煙中去

陶子春先生煦哀詞

通明高躅是家風利濟身偏著述終詩畫怡情兄弟樂先生

弟諡孫功名競爽子孫同三吳耆舊晨星少一夜情懷落

月空太息少微隨婺掩霜天清淚灑江楓惠配朱夫人先

輓之日以隱君子著述終身績學礪行耄期弗勅與

賢夫人後先七日生天成佛白首同歸並志于此

水雲深處鄭公鄉三接蘭言意味長青眼喜勞扶杖過白

頭還爲著書忙紆塵我竟慙僧達刮垢人知畏彥方師事

自今應莫屬瘁臞空冀必琴張

元和集

卷六

三石船居贖稿

石船居古今體詩賸稿

合江李超瓊惕夫

元和次集卷第七

正月二十日由楓橋至五渚涇用東坡是日女王城

詩韻

朝來輕棹過齊門踏徧湖東水上村春釀餘寒風有力雪
經微雨地無痕橈聲此日千家肅時察視保甲先令民蒞家真一柳無梗令者
屋何時五袴溫野岸梅花如舊約停橈香便引詩魂

讀史雜詩

元和集

卷七

一 石船居賸稿

救趙如何待敝秦狼羊猛虎氣難馴堂堂大義誅卿子奇
計應從七十人

組上杯羹幸未成而翁當日早心驚生兒祇願如劉仲老
去無勞擁帚迎

沛公立輟高陽洗田廣全收歷下屯六十餘供齊鼎鑊何
如緘口里監門

屠狗勳成百戰勞呂饗食邑豈功高舞陽終被臨光累夫
婦封侯漫自豪

側耳東箱跪謝時應將伉直笑期期趙王被鳩羞朝見誰

使高皇負戚姬

儒服全輸楚製輕朝儀雜就帝能行來從虎口知時變此
意難回魯兩生

十二篇書語語新尉佗受約再稱臣優游好時終安漢籍
甚名聲只一人

脫輓能令帝入關白登十輩獨君還和親約定強宗徒齊
虜條陳大可刪

五尺翁生八尺兒長身肥白信堪奇封侯人相尋常事百
歲誰看食乳時

元和集

卷七

二 石船居贖稿

女兄鼓瑟弟無文尊寵終推萬石君孝謹家風誰及得郎
中白首滌膾羣

少時賣友已招尤爲將無功未失侯欲娶臧兒翻免爵漢
家賞罰費推求

猥佐誣行日蝕餘帝廷誰上會宗書南山種豆終貽禍文
字流傳尙慎諸

清明日以事至虎邱陪太守長白文農公宴於擁翠

山莊軒外杏花盛開欣然有作用昌黎韻

春山百鳥喧晴空杏花幾樹爭嫣紅妖姿豔蕊紛掩映環

檐故故搖輕風今年寒意久不解春分尙與臘尾同柳芽
未吐桃萼凍直疑青帝將無功喜晴三日天便好游人已
滿山塘中波澄草碧劍池暖緋衣况正披芳叢我思去秋
一到此倚欄霜冷飛丹楓重來物候轉芳麗佳節登覽情
何窮山公復樂寬禮數扶醉約過經臺東絳裙仙子或隱
笑接籬莫倒初禿翁

時余髮脫者甚多

春雨初霽草橋輿中口占

多事轉忘官是累乍閒渾訝夢初醒一春眼福今朝好半
里肩輿故意停深淺樹迎新雨綠西南山背夕陽青過橋
元和集

卷七

三 石船居贖稿

煙景長如畫自笑勞勞似未經

春夜

漏聲如咽夜沈沈好夢無痕底處尋花影滿窗人不寐卧
看斜月轉藤陰

腳輦

幼讀東坡詩頗笑輦腳酒自幸無此病不問方信否江南
卑溼地一官歲閱九年年苦浸漬况復困奔走邇來舉趾
間健行惟尙右曾未筮明夷左股誰擊搯上循踝至膝下
自踵達拇靜若困于石動若繫之杻忽疑下履冰冷勝立

雪久忽疑旁熾炭熟勝灼艾標有時苦拘攣筋絡相結紐
有時更僵木踵趾同枯朽隱忍將浹旬勢竟若固有致此
抑奚由醫說徒紛糾平生嗜登眺險處健騰蹂東逾不耐
城西瞰陰平口金焦兩點孤醫閭千仞陡南北數攀躋高
欲捫星斗故鄉在岷峨跬步皆山藪出入挾飛雲吟嘯天
風吼勝景必探奇豪情獨抖擻綜計舊游蹤吾足良不負
豈今力漸衰遂欲甘寂守我生貴疆立趨趨復焉取昔聞
李八百以跛得上壽熊經與烏伸仙術誰從受羨之亦徒
然獨行本无咎嗤笑爾何人試問支離客

元和集

卷七

四 石船居賸稿

無爲蔣犀林大令一桂以鱸鄉亭卽席長歌見示次

韻贈之

君不見幾人得意吐氣如長虹我輩惟宜自號失馬翁勁
節相期砥松柏凌霜向日無春冬作詩亦復恥靡曼風格
要與情性同邇來仕宦雖不達未遂才退如邱公簿書敲
扑覺清暇幽懷遠寄孤飛鴻得句不工且獨賞閒愁一洗
微吟中看君才氣十倍我早不射策明光宮卅年抗塵走
江左坐令三徑荒行蹤南沙松陵有專集詞壇傅伯誰旌
庸文字更非療貧藥病來空對花枝紅君言苦樂悉幻境

以苦爲樂斯英雄不辭寒瘦擬郊島羞因得失爭雞蟲放
船笠澤已五至甘棠密過吳江楓鱸鄉亭中暢文讌得閒
且醉學無功吾宗進士亦健者謂吳江令李晉溪汾祇以坦易成疏

慵江城共事賡懽佩豈徒詩酒聯歡悰垂虹煙水集冠蓋
繪圖惜少陳直躬愧我一官偏跼踖趨府日似排衙蜂願

攜鷺籠訪逸少君工書法故及此不羨鶴警披王恭

臨桂俟東洲大令紹瀛以所著寥山樵唱詩集見贈

率賦二律報之

仙才豪氣并狂名十載傾心喜識荆南北游蹤成吏隱初君

元和集

卷七

五石船居賸稿

官直隸後改江南古今愁思付吟情文章雄直千篇富仕

宦浮沈一笑輕聞道徐方輿論在不因詩酒掩循聲

盧龍東走出渝關海上輪躡十往還憶我飢驅窮絕塞輸

君清詠徧名山路尋遼左塵如夢老去江南興未慳何日

高樓橫秀處共吟佳句看煙鬢君寓金陵于宅中築一樓顏曰橫秀

四月九日以迎制府至無錫舟中望惠山喟然感賦

卽寄王少谷同年

四年不到山前路一夜爭牽水上舟天半晴嵐多異色望
中雲物記前遊九龍蒼翠長如昔兩鬢蕭條今幾秋一過

尙羈塵土足出郊還爲故人愁

時少谷亦先出

舟泊無錫聞制府尙在常州遂偕歸安沈期仲

佺中

江凌鏡之

焯

兩大令爲惠山之游歡讌竟日乃歸

復作詩以報少谷

平生頗有游山福忙裏偏教幽興足朝來方懼阻登臨日
暮猶依惠山麓惠山似惜吾曹苦暖翠招邀爭鼓舞且尋
曲澗暗停橈勝爲長官前負弩舍舟共喜山行便沙岸溪
橋閒踏徧小樓雲起一憑欄繡壤平疇看面面麥塍翠浪
風掀長菜花圍作黃金相縱橫淺樹含深綠三里五里皆
元和集

卷七

六

石船居賸稿

柔柔江南膏沃無逾此對之良爲吳農喜已欣坐久腋生
風更愛泉甘香入齒泉聲噴薄翻珠穴上下池光浸寒雪
漪瀾堂陟渺難尋幾處頽垣餘戰血橋南亭榭足徘徊小
李功名亦壯哉

山下有李公鶴章專祠今相國少荃公季弟也

祠樹影環平仲密

溪船響送阮咸來吳孃水調新聲好月滿江波拚醉倒醜
顏莫訝客忘歸霜鬢劇憐人易老漫因腰瘳感休文公績
豪情尙軼羣蜀生更有談天口

謂樂山鄒玉生鍾暉

共我終朝苦憶

君君今正苦歸不得倒持手版潛太息明朝我復病折腰
可樂不樂空愁絕愁絕還將壘塊澆斯游祇惜少王喬丞

日竟無東道主何時同解北山嘲

二百畝村

官事有閒趣晴江一棹孤好風來五兩侵曉過重湖野老
半相識村名多可呼麥天青翠合行眺足清娛

題景海屏太守

澄清

所繪海道圖

壯歲客遼左手繪朝鮮圖魑結往來恣考證六易稿復重

鉤摹吾言不用紙亦蠹入道形勢空衡盱

余客東邊嘗共陳海珊觀察條

擬預籌保護東藩事宜岐子惠師帥遂爲代奏得旨交議卒不果行

十年抗塵走吳會雄

心冷盡羞長吁景侯磊落鄉邦傑黔中早佩銅虎符一官

元和集

卷七

七 石船居贖稿

再躡不自惜九萬里外心縈紆昨來訪我數相左擲示此
卷爲驚呼巨公名流有題識推重惋惜良非誣知君注意
在扁鑰海置門戶憂枝梧祇今不用憂枝梧入紘冠帶揖
堂廡測量繪畫徧中土海溼何問東南隅昔時廣順但氏
有斯刻我亦依樣爲葫蘆廣順但培良沿海七省形勢縱全圖余於遼中嘗手摹一過縱
橫島嶼誌險要乃經親驗多齟齬以茲未敢盡深信桑經
酈注言人殊時平况幸集琛賚有匱可韞其藏諸還君是
圖口重咤吾曹此意甯眞愚他時儻用君家十萬橫磨劍
會見乘風破浪無勞再問途

憂蝗歎

食民之官比蝗飽食民之蝗與官攬憂蝗不必爲憂民竟
不憂蝗官大好年來官政如雷電千村保甲旌旗變史白
功成往迹湮龔黃譽重連章薦更看細柳閒臨衝眞將軍
詡人中龍萑苻不動湖山曲宜有和氣相彌縫蝗兮爾何
爲應候蠕蠕起三冬無雪掘還生一春苦寒凍不死晴乾
雨滯風颭狂遺孽掃除仍有子昨聞姑孰之南邗溝北漫
山蟬動都生翼村毗收捕但論錢戍卒驅除終未力故人
作宰瀕京口書來爲道憂勞久浹旬撲捉苦無功四野炎
元和集

卷七

八石船居賸稿

曦扶病走我聞斯語魂爲驚欲參末議蘇耕氓卻慙聾
今方啟未識天災物害難力爭人力有窮蝗有命怪底神
君多異政蒲濤鳥多啄將完眞州蝮斃埋欲淨江南江北
方高歌蔽天忽訝飛蝗多吳淞又報蝗投河蝗兮蝗兮奈
官何

衙參記所見

眾坐默不語悠然心自清好風如識我煙篆撲衣輕
長蕉偃綠雲細篠霏蒼雪蝴蝶向陰飛也畏此中熱

衙齋紫藤一株入夏蒼翠濃深炎威不到而其前竹

籬蔽翳時阻清風壬辰六月始撤去之花木亦別
以去留剪剔蕪蔓緣陰不改而有曠如豁如之致
卽事述懷用東坡和子由記園中草木詩韻十首
中吳號才藪速化多時彥自我蝨其間數見蟀鷓變最愛
紫藤花四年看不倦花時轉辜負未暇入詩卷官舍誰主
之來去如栖燕當時栽植人偶或自消遣今皆爲我青遶
屋垂煙蔓靜比修竹林清擬珍蘭晚於此忘炎熱不恨秋
風晚

種花欲滿縣種桑欲成林區區爲目娛長養安足矜虬枝
元和集

卷七

九 石船居贖稿

太橫恣竹架力不任密籬互堵柱安所快披襟連朝梅雨
來亂葉如抽簪獨坐軒窗暗瞿然計之深豈敢肆剪拜不
廢其何興艾夷雖近刻別擇吾猶能
庭前雙桂樹碧影團團老牆角芭蕉叢弱不因風倒年年
枯復生容誰矜再造頗怪刺薔薇依附比人巧緣籬日以
高籬竟爲汝耗是孰使之然位置殊草草
壅蔽不亟去孤秀何由拔兩朝風日清珠蘭馨可插幽蕙
六七叢盈盆長芽蘖移置盼花開期與秋士約朝來雨復
晴新翠濃如潑生機滿目前何事嗟搖落

仙草不易得試養石菖蒲綠意溢益益細葉如髭鬚未失
并華水根節何愁枯一勺已自足無爲挹江湖江湖不可
竭冀望空勤劬安得餐芝人導我有良圖

新棚高出簷得月較能早但喜清輝多那問銀蟾老去年
當此際正憂穉禾槁泥首事禱祈流汗走輿阜荏苒歲已
周耿耿猶在抱嫦娥不我憐照見元髮縞

我家符水上高槐蔭前廳入戶裊蘿蔓環階森竹釘輝輝
紫荆樹春來花滿庭兒時騎陟處瘦韎今矜屨一從墮塵
網苦憶蜀山青夢中乘雲歸兩腋風泠泠

元和集

卷七

十石冊居贖稿

江淮多蝗孽漸及南徐南不憂蒲蘆萎

今夏沿江多蝗皆集葦叢

恐失

稼穡甘物害獲並育大造誠包涵捕捉苦童叟盡日幾筐

籃微聞賢守令

謂王可莊太守王伯芳同年

疲茶殊不堪我別花間蠹

念之良自慙

上谷今三輔故人方宦游

謂涑水令高拙園弟

書來爲我言苦旱徧

燕幽飛塵漲京國暗水渴盧溝嘉禾未及種苗葉何由抽

江南足時雨翠蔓如青蚪憂樂偶異情餘閒安忍偷

微尙渺無託孤芳應共知敢辭陶甃苦空益墨絲悲昨夜

藤梢動清風引海湄幽懷猶可接霜鬢奈如期獨有忘憂

草含芬似楚離相依愛長日違復歎斯飢

戲和友人詠蟬韻

冠綬修整羽衣輕飲露餐風喜自鳴爲問飛昇蟻化得本來氣味可能清

遷喬漫羨一身輕不假心思以翼鳴任曳殘聲別枝去此間先幸耳根清

暑夜與伯氏偕松存同年飲藤花下作

綠陰不似人情薄滿地涼雲蟠翠幕黃昏添引清風來暑氣炎氛全掃卻一尊偶向花間酌坐久直疑秋意作幸無元和集

卷七

十一 石船居騰稿

熱客正容狂賴有濁賢聊共樂樂莫樂兮情話長虬枝已漏銀蟾光君看老榦恣奇倔新吐繁花作晚香

望雨

夜瞻雲漢又逾旬西北風多澤未均手徒薺薇驚半死心憐禾稼正懷新歡聲動地知何日苦意祈年大有人聞道近畿膏澤徧商霖應作九州春

大星

東南一星大如盃赤燄熊熊光不散懸空直訝火球高坐使兼旬天苦旱吳民望雨滴雨無山田未插新禾枯密雲

乍合復吹散龍公被抑猶吾徒今年和甘本應侯乃茲焦
燥空長吁星乎於汝不歸咎我雖可罪民何辜

六月晦日偕惠師僑司馬榮詣勘金雞湖隄便約伯

氏及子紱同舟而往於黃天蕩北觀荷暢游竟日

乃歸得詩五首

暇日多清興城陰早放船櫓聲醒昨夢帆影破朝煙橋密
檣頻偃林深港曲穿葑谿行欲盡涼綠滿湖天
艤棹花深處青圍十里荷好風窗外至香氣葉中多蕩戶
盆爲艇村童笑且歌莫論菱藕價生計問如何

元和集

卷七

三

石船居贛檣

塘複香成海隨風似作寒花低波爲浴蓋仄露初乾便有
浮家想相期帶醉看沙鷗還漸狎對汝愧麤官

移舟穿曲浦隄勢偃長虹巨浪重湖截清流六港通歌聽

帆上下利漏畝南東一諾經吾畫羞看擬白公東西隄長
六百丈有

奇爲口門者六旣成往來行舟便之南岸田疇亦免衝刷
邑人以爲余始築也名之曰李公隄且書三字勒之石甚

以爲
愧

忽訝湖波赤蟠空倒火雲夕陽斜入水餘熱轉如焚賭韻
情猶暢停橈日已曛臨歧漫惆悵風露意慙慙

秋感四首

霜華兩鬢易驚秋
騷屑聲中又攪愁
江海路迷鄉國夢
關山月冷壯年游
南飛雁到書難得
西向塵多扇未收
誰信澹臺湖上長
感時還上仲宣樓

斗柄西迴亘絳河
京華北望影嵯峨
海暈蜃氣何時靜
天上霓裳近日多
風動石鯨看習戰
霜寒仗馬聽鳴珂
八垓正獻昇平頌
誰更投詩弔汨羅

風雨蕭蕭氣轉寒
憂時心事託長歎
青齊蟻潰黃流惡
白下蝗飛赤地寬
聞道京畿多苦潦
至今津海病狂瀾
四方水旱頻年奏
九陛焦勞幾日安

元和集

卷七

三

石船居贖稿

鐙前看劍到深宵
熱血渾如子午潮
有報國心曾未效
作歸田想是無聊
遷官不羨邱靈鞠
瀉酒誰箴陸士瑤
問訊黃花原未晚
一尊移對許愁消

八月七日喜廷獻姪至

蜀江水滿萬重灘
見汝南來舉室歡
頗怪少年如我瘳
也知生計比人難
解裝吳市鄉音少
對酒秋軒暮雨寒
苦訊家山織屑事
似聞街柝報更闌

蘇文忠公祠在定慧寺後卽守欽長老住持所也秋

祭日詣焉蕪穢不治顧之憮然因有修復之思率

成長句以東同志

玉局仙人本奎宿九州內外爭戶祝中吳祠宇半荒涼來
醉寒泉薦秋菊公之井里我鄉關綺歲眉山往還熟秋風
倚棹盪玻璃春日循街問紗縠一從東下踏塵土夢繞凌
雲如轉轂宦游况送江入海似與遺跡相追逐繫昔公當
乞郡時錢塘吳興頻典牧姑蘇臺畔屢經過山水流連等
三竺虎邱巖壁鐵花秀高會欣逢劉孝叔三賢畫像快留
題苦羨鱸魚歎麋鹿鏹衣杞菌眼枯淚尤爲吳農重蒿目
公乎雖去八百載疑有英靈時往復西風撼撼吹疏木神

元和集

卷七

十四 石船居賸稿

之來兮氣蕭蕭艾煙紛繚颺颺逃想像靈旂天半簇昔聞
定慧欽長老一面緣慳互傾服惠州謫去八千里翟公門
無客不速獨教契順遠投詩寒山十頌清可讀

公初謫惠州長老使

其徒卓契順往視且致詩并寒山十頌寄焉

當時行腳苦招邀應迂吟魂返僧

屋豈知劫火到毘耶鐵柱石樓有翻覆嘯軒可嘯似黃州
至今竟無風掃竹寫真圖或倩龍眠笠屐不堪塵滿掬自
來三吳盛文史何時淫祀滋繁贖鏿除空憶睢州湯起化
更少平湖陸竟令勝蹟莽榛菅坐使明禪失清穆惟公浩
氣沒猶存風馬雲車肯嘖蹙尙循典禮潔犧牲不似瓊儋

燒蝙蝠煮蒿一奏鶴南飛城郭依然應降福
驂龍翳鳳公
去來定念舊游驚
閃倏太息當時箕口張
烏臺詩案千秋
獨買田陽羨歸
未能萬里桃榔甘
黜伏公之名德
尚若此
我輩何功倖持祿
願將舉廢告同心
半畝溪堂更新築
紫袍腰笛壽公時
還獻梅花挹清馥

秋軒

盆菊爭開花氣清
空軒人靜一蛩鳴
奚僮未下西窗幌
夜半牀頭有月明

輿中

元和集

卷七

五

石船居贖稿

六街往復任奔馳
獨抱閒情只自知
王廢基前人迹少
筓輿還有讀書時

十月十日爲

慈禧皇太后萬壽聖節
隨班慶祝禮成恭紀

鳳闈螭坳儼帝居

慈甯北望肅簪裾
霄激珠斗蛻旌動
人集金閭虎拜舒

萬歲呼嵩千里外
兩朝

訓政卅年餘
小臣効職慙
潘岳喜戴

堯天奉板輿

有感

玉琴一曲念奴嬌前度劉郎骨已銷擲果客思鴛夢續墊
巾人比雉媒驕移山案動心難轉縮地方多舌漫饒怪底
休文也憔悴五花冠帔在王嬈

和亮儕弟韻

數行手跡見天真草勢匆匆筆有神易到音書期一月難
求兄弟我三人年來宦味渾如蠟別後衰顏欲起鱗爲報
禪心泥絮冷桃枝桃葉爛爭新

十月二十八日枕上聞飛雪有聲移時遂止悵然感

元和集

卷七

六

石船居贖稿

賦仿歐陽公禁體用東坡聚星堂韻

藤軒風過飄霜葉夜半琤琮雜飛雪連朝醞釀今始成便
冀遺蝗先殄絕龍公試手興頗豪初勢疑壓篔簹折只憐
宿鳥一時驚且任行蹤三徑滅年來鬚鬢半星星坐歎流
光如電掣青山此際改蒼顏定似吾衰縠面纈歌詞正擬
叶陽春廳事還思鋪木屑豈知膝六竟遄回翳鳳瓊樓去
飄瞥麥根薄潤曾何濟占豐恐負吳農說念之輾轉不成
眠自笑黃綢冷於鐵

默坐

子龍潭畔月與君惆悵對西風

和松存同年韻

至人無畦町抱蜀成孤往跡隨眾鳥託音擬飛鴻響吾曹
一生事能著屐幾兩湛湛玉壺清瑩瑩冰鑑朗儻爲得失
消所見殊不廣君看白雲飛豈羨橫汾賞去住本無心高
壓巨靈掌爲霖不自知百卉潛滋長又觀青田鶴軒軒舒
雪斲雞羣立弗嫌未礙扶搖上飲啄羞稻粱棲止謝榛莽
可近不可羈誰敢施羅網鳳德衰可嗟龍性馴難強君自
惜景光我亦悔疇曩騰笑北山移奇文試摹仿

元和集

卷七

七 石船居贖稿

漫興

溫風吹入洹寒天衰柳絲絲拂暖煙釀雪未成霜亦淨飄
飄疏雨送殘年

曙鐘聲裏筓輿來鈴閣沈沈尙未開趨府忽教幽意遠道
山亭近好尋梅

禱雪旣數日夜常不寐廿一將曙雨聲大作始獲一
睡而夢境迷離匪夷所思醒後拉雜紀之亦聊誌

吾過云爾

冬雪不易至春雨乃先來頑雲壓窗牖曙色遲難開終宵

僊人白髮比人忙兩鬢蕭條竟似霜默坐已無豪氣在高
談轉悔少年狂淨名偃蹇鮎緣竹大地繁華燕處堂病後
道根應漸長丹田煜煜藹春陽

沙湖阻淺口號

今年冬乾落水潦湖口深泓生淺草輕舟膠澀柁不靈八
九篙師齊仆倒推移半日方過橋老農汲水來何遙自言
三日不得雪便當抱糞灌麥苗我語老農莫愁歎麥苗縱
枯汝能灌江南江北遺蝗多明年飛起何人斷

禱雪郡廟用東坡霧豬泉祈雪韻東鹿邑王筠莊

元和集

卷七

六

石船居騰稿

凌鏡之兩大令

落水護羣岫城西爭見山草橋霜氣清一日再往還龍公
駕何許渺渺不可攀何時冰玉先生我肝肺間昨從湖上
歸巖石露粗頑水潦涸欲盡葑溪如斷環蒙荒原上麥黃
萎雜霜菅吳農方嗟咨吾曹焉敢閒禱祠豈有濟未忍浮
文刪藉君發誠感爲我破詩慳

寄懷華陽賴子誼同年

永恭

三河

故人天末渺孤鴻兩地相思十稔中仙吏飛鳧燕市北少
年驕馬錦城東關河修阻音書少仕宦浮沈事業空回首

盼雪眠不得雨聲引入華霄國直排闥闔叫天閨苦語上
訴披胸臆不知天帝遠莫聞祇訝上界多塵氛巍巍庭宇
晦陰翳非煙非霧兼非雲咫尺不辨瑤臺路隔簾似剪蠅
聲怒玉龍鱗甲渺難攀白鳳迴翔不肯住躊躇躑躅迷西
東金銀氣滿蓬萊宮廣寒清虛杳何許芙蓉城闕昏濛濛
進亦不得前退亦不能去地不可縮風不可御天雞三號
不見人徒倚雲階誰可語安得造父之駕王良馭直到瓊
樓玉宇花飛處忽疑身落岷峨間若有人兮招我還推擠
者誰豈汝怨臧氏之子乃能使我開心顏山擁螺而蒼蒼
元和集

卷七

九

石船居贖稿

泉鳴玉而琅琅石橋雨過松陰綠橙林風細巖花香隔溪
孤鶴靜似我羽毛皎潔忘飛翔欲待何時天雨粟飢來未
肯謀稻梁相看各有霄漢志試問清唳胡爲長鶴不言我
亦醒雪意遠在崑崙頂檐溜聲聲自清迥

和山陰朱文川大令

秉成

原韻五首

人生如寄耳汎若不繫舟戀戀祇三宿鬱鬱生四愁推移
塵海中渺爾一芥浮胡爲求利達曾益妻妾羞嗟彼捷足
者不聞五袴謳豈知風浪旁自有不驚鷗

灌園豈寂寞曩昔師於陵一從仕宦途疲茶成勞薪故山

美林壑巖岫不騫崩近游雲與隨長嘯谷爲磨屋上千松
楠朝暮青霞升軒軒兩馴鶴久亦忘飛騰竭來苦相憶歸
思欲宵興

出非善自謀歸亦苦無藉世網日以深似甘引嘲罵貧窶
羞自言險巇吁可怕亦知平進難恥作無媒嫁所幸朋盍
簪過從趁休暇閒和白鳩辭分啖黃雀炙英英飛蓋游何
似西園夜忘情澹榮辱誰記淮陰胯

君擅玉堂才本是鄒枚侶殿前奏賦工聲動天尺五蓬山
不肯入來作三吳雨濟時有遠謨承家有治譜我從識君
元和集

卷七

三 石船居賸稿

初歸誌金蘭簿謂非俗吏俗况洗腐儒窩懸知牛斗墟新
有德星聚幸哉海虞人行當歌樂土誰遲單父琴尙質伯
通廡澄懷冰雪清虛室霜月苦一笑春將回漫擊催花鼓
標格如項斯那禁逢人說君詩亦自好瑩比玉壺澈原本
追風騷典麗非剽竊尙惜風雅儔道義多虧缺濂洛揭精
華韻語出心得庶幾唱和中不歎微言絕偉哉此名論足
砭下走劣吾曹民社膺製錦悞滅裂柳城有殷鑒何敢蹈
故轍政暇一吟哦志或有歸宿相期仕學兼優優企前哲
慚愧答詩簡正報豐年雪

故人有令朝陽者近年以飲酒賦詩債事故詩中及之

喜雪仍仿禁體疊聚星堂韻答宋松存

暖風吹透冬青葉，幾朝疏雨不成雪。春光乍洩又增寒，天
公剪水真奇絕。初看細若珠琲跳，漸聽重壓琅玕折。三日
中雖疏密異，瓦背魚鱗盡埋滅。遺蝗鬱癘一時銷，官事應
無肘可掣。占豐有幸在來年，先愛清光滿簾纈。故人知我
喜莫禁，新詩枉贈霏瓊屑。歐蘇體韻禁頗嚴，老眼愁生花
一瞥。禱祈何敢自爲功，擊斲刑鷲俱妄說。祇宜共賦廣平
梅，未礙君家心似鐵。

小詩二首柬松存

元和集

卷七

三

石船居贖稿

風勁寒嚴雪亦乾，遠山都作玉龍蟠。銀沙滿地冰成海，門
外晴光君試看。

北牖霜多凍起花，南榮溜結冰成柱。街頭蹀躞乍歸來自
笑，疏髯瀉珠露。

讀歐陽文忠歸田四時樂，悵然有感卽摹其體成之。

公詩祇春夏二章，秋冬爲梅聖俞分賦，今未卽見。

後二首仍疊前韻

東風三月晴雨時，新秧漸長閒人稀。梯田水暖章初薙，柴
門日麗花爭輝。貓頭筍茁竹雞喚，燕觜麥齊山鷓飛。鄰客

客來魚可釣社公酒熟雞先肥田家之樂知者誰我夙知
之今未歸兒時坐看扶犁處應任青苔滿石磯

田歌聲起方薅草夏木陰陰梅雨小禾先插徧屬猶催桑
未剪完蠶已飽青秧影直行欲疏碧樹陰圓色最好月夜
瓜棚起飯牛午眠竹徑醒聞鳥田家之樂誰得知我雖及
知歸不早十圍榕翠暑風涼別來空憶枝柯老

金風颯颯清秋時簞車盡斂農功稀稻孫樓空宿雁侶桂
子香細凝蟾輝兒戲梧陰蟋蟀躍客來柳港鷓鴣飛蓮藕
芡菱白長大棗栗梨柿紅圓肥田家之樂知者誰我既知
元和集

卷七

三

石船居贖稿

此行當歸楓葉倒聽不得卧何時徒倚傍漁磯
北風吹枯原上草牛背人歸笠影小蒼松遶屋日色寒紅
葉滿林霜氣飽醜顏頗怪白酒惡曝背正似黃綿好菜畦
四面盡梅花雪晴樹樹鳴幽鳥田家之樂誰得知我今欲
歸須及早山中故人儻見招芋魁飯豆吾能老

雪蓮歌贈王筠莊

君不見天山之高高插天上有積雪逾千年六月驕陽凍
不解奇寒自古無人煙飛鳥驚獸不敢前大木僵縮形曲
蜷陽和不到生意絕何物更茁山之巔異哉雪中長雪蓮

萬朵擎出雲霞邊不知根深幾千尺乃能上透層冰堅有
花可似紅衣鮮有葉可是青田田天風吹空香益遠瑤臺
仙子來翩翩昔聞太華峰頭有玉井花開十丈空中妍西
行未叩金天戶空思一覩藕如船此花更出秦隴外三十
六國通居延南北嶺高人迹少憑誰采采捫星躔王喬吏
隱仙乎仙東游祇飲滄浪泉雙鳧飛去亦何速直過瀚海
經于闐摘花滿袖不覺重歸來控鶴猶蹁躑道從鄉井歷
伊洛緱山笙響清宵傳問君往復一萬八千里遊戲三昧
胡爲然淮南靈笈彭祖術早哦內外黃庭篇年年喜氣滿
元和集

卷七

石船居贖稿

金屋瓊枝玉樹輝珠聯袂髻漫作拈花笑論功正恐髯難
專禁方珍重秘不宣誰能乞取求真詮山陰莫侯首得請
謂與香
司馬拜嘉我亦免垂涎開緘目眩冰玉色百二十片非

菱菱細觀形質審物理薄勝蟬翼輕于絲錦紋錯出花鬢
怒隱隱中抱雙珠圓託根遠在冰雪窟得氣純一陽無愆
陰疑必戰剛者勝易義自昔賅丹鉛君從玩索得真訣我
恐服食非奇緣火坑早現清淨相玉樓粟起耐孤眠澄觀
坐看龍虎伏華鬘天女資談禪何況桃枝兩蓬垢肯使九
鼎供熬煎卽今飛雪滿平川夜闌懶奏鴛鴦絃拜君之惠

聊什襲還從故紙勤鑽研余於雪蓮僅聞傳述其名今見之乃吾蜀藥肆中之破故紙耳

形如阜茨絳囊長二尺餘此則其中之瓢也另有黑子吳中藥品用之並頭解語幻復幻苦

口那望紅袖憐綺語懺不盡良藥疾可蠲安得一官竟向

句漏遷絳囊二尺更攜去與君共拍洪厓肩

打冰行

北風吹墮城頭雪一夜江波凍成鐵吳船干舸不敢行水

路一朝都斷絕子胥潮落何時回九日十日河未開燦燿

巨艦那能待急鉦催集民夫來民夫力盡船不動大船還

得小船送小船打冰冰塞川卻嗔津吏爾無用

元和集

卷七

石船居贛稿

喬齋對雪雜詠六首

古藤

飛雲滿枝條皚皚相結紐誰駕銀蚪來蜿蜒窺戶牖老榦

尤倔強斜挾白龍走

叢桂

桂樹以冬榮宜有耐寒性繁柯重不勝綠意殊難競小山

不見招感人藍關詠

芭蕉

琉璃世界中大好綠天住枯葉空復長碎玉聲如訴鹿夢

知已闌蕭條歲云暮

薔薇

青翠猶欣欣似得依附力
枝頭爛若銀爾更工粉飾
何況花開時姿媚動顏色

砌竹

直節不得伸欺壓方相屬
撐持力雖微挺挺見寒綠
故山霜雪輕長護千年玉

盆梅

虬枝一尺餘紅蕊珍珠破
封條生玉光分外精神大
祇憐元和集
卷七
盆
石船居贖稿

雪夜起坐

宵深寒意若爲開
簾溜潺潺夢乍回
屋上未知猶化雪
直疑月下雨聲來
重衾暖溢起徐徐
猶有殘燈照簿書
坐久靜觀庭畔月
梅花影外自清虛

滿院清光地似銀
聲聲疑報小樓春
飽看雪月還聽雨
今夕幽懷信絕倫

雪中和松存原韻

十日迴風舞素娥坐看積玉滿庭柯也知入地遺蝗少祇
恐號寒凍雀多柳絮新篇紛簡札梅花遠信渺關河故人
尚學袁安卧鶚薦誰當重禮羅

潘譜琴世丈

祖同

賜題拙著次韻謝之

公家盛旂裳望重高陽里公心澹簪紱詩似玉川子淵淵
雅量宏獎借逮微技筌忘魚自得悠然濠上目光風清我
襟馨逸披芳芷此意如可詮書以松紋紙

臘月十六日迎春作

逐隊東郊彩仗齊一年兩度省春犁

今歲立春在新正六日

喜看往

元和集

卷七

三

石船居贖稿

復婁門路滿地銀花襯馬蹏

南檐雷似雨斜侵瑞雪還成傳說霰纒過土牛聞吉語春

前三白見天心

淑氣眞看應候來一天晴色暖煙開恆寒漫泥京房傳此

意應慙鄧尉梅

昨宵冷月鎮團圞紅雪猶從北市看今日生機重益益青

幡影裏迓春官

與松存唱和久積詩筭頗富出以相還而來詩若相

日賦誚責者因次原韻解之

早肄參同契丹成如出殼人身血肉軀安用不死藥神全體可遺莫問外美惡譬如食橘甘幾見連皮嚼得魚或忘筌未遂落下著吾曹偶吟詠積稿不盈橐雪後興頗豪官梅滿東閣旗鼓競酬唱中懷仍澹漠寓意不留意豈爲詩所縛而况詩之筩徑寸復纖薄有美雖內含棄置常忽畧誰操用舍權心口試商度天道本好還吾學宜守約往返不瑕疵互易期各各還櫝非還珠百寶收瓔絡卻笑碧紗籠不少犬羊鞞

前詩意有未盡再疊韻謝之

元和集

卷七

三

石船居贖稿

禪家清淨相欲破煩惱殼道家解脫方貴種飛騰藥二家祇一空所見良不惡味之皆有味美勝屠門嚼詩亦空則靈本無迹可著百篇與千首豈藉充囊橐看君逸氣橫不上凌煙閣豪情發於詩如鷗盤大漠如龍如虹霓詎肯受束縛金匱難秘藏何論繭紙薄呵護驅六丁恃有陰符略寥寥尺一函原從寸寸度取精用益宏試訂相如約秦返十五城趙壁歸盍各錦囊互珍重瑤華任繹絡皮相匪我思奚問虎羊鞞

嘉平十七日亥初立春偶書所見

禩祥災異不能辨平生愧讀五行傳忽驚濃燄蔽空來
晦沈沈天地變人言大似黃霧塞或云當卽黑嘗見蜿蜒
燈火尙迷路咫尺僮僕如避面此時我正出鞭春微腥氣
訝潛蛟煽須臾雲月淨娟娟踏雪歸來光若練檢書頗識
脂夜汗引酒還共梅花讌卻疑區霧不恆風劉向京房何
所見

東坡生日集同人於蘇祠爲壽強成一律

八百餘年磨蝎盡儘容蜀黨壽髯仙碑餘手迹歸來未

公書歸去坐有詩豪唱和便丹荔神弦新樂府紫袍腰笛

元和集 卷七 天石船居贖稿

舊因緣冰心應早邀公鑒詞客親攜第二泉 子紱新自錫山歸以惠泉

之冰 爲薦

梅花 王日美同

雪重花疏冷玉魂半階涼月又黃昏紙窗扶上橫斜影倒

現霜禽欲下痕

綠萼紅苞空自憐銅瓶寂寂負癯仙暗香吹入山陽笛不

賦梅花已十年 亡友陳子蕃中翰于戊寅春錄所作梅花絕句二十首寄余於鳳凰坡自是無復嗣

音竟成永訣每值歲寒花發對茲吟豔軛念我故人淒感不能成韻計今已十五年矣

除夕

去年歲暮愁無雪除夜情懷不可說今年雪後歲始除寒
雨霏微夜清絕先十四日春已來雪消纔見梅花開掃除
案牘得今夕守歲不駐空徘徊崢嶸人事渾忘卻送窮文
情誰爲作簿領羞言仕爲貧屠蘇喜與民同樂一年到此
更無時分陰寸陰安可追萬家爆竹喧人海自酌寒花獨
祭詩詩才治譜匪兼長政暇吟懷偶寄將作吏清時閒最
好迂寅餞亥爲誰忙

元和集

卷七

五

石船居賸稿

石船居古今體詩賸稿

合江李超瓊惕夫

元和三集卷第八

癸巳元日

帝有恩言壽宇恢履端瑞應喜晴開鷓班望闕朝元早鵠
履趁公獻歲回尺雪豐占天下徧朵雲詔盼日邊來娛親
更製椒花頌黃口還能醉一杯

侃兒是日亦醉

與客談食蔬之美漫賦

肉食年來鄙未除只餘清夢到山蔬遠謀須得家園種嫩

元和集

卷八

一

石船居賸稿

綠肥青手自鋤

早春第一菜臺多入箸香生碧玉柯漫道南中尊膾美試

拈冬莧滑如何

連畦珠露綴纖莖綠甲紅牙脆有聲侵曉筠籃親手摘釜

香縷縷逼人清

萬錢何處覓芳甘鹽豉調勻我尚諳但得斯民無此色閉

門大好住江南

述懷

淵明宰彭澤本爲三徑資到官月日淺治績無由知觀其

遣一力誠子有訓辭謂此亦人子期以善遇之卽茲一二
語肺腑深仁慈推此燭民隱痾瘵若已私絃歌意從容事
鮮虞琴絲淡泊裕廉靜悌愷罔弗宜督郵胡爲者行部聲
訑訑吾腰不忍折五斗安足糜拂衣遂高蹈松菊含清姿
烏還豈誠倦知止愬後時要其引退速幸無家累隨樂天
良足慕慮始誰能師

游仙詩十首

洞府深深倚石樓松岩千仞入瀛洲化身戲擲成珠米飛

過淮南第一州

元和集

卷八

二 石船居贖稿

芥子須彌指一彈煙霞卧久馭風難起來笑見桑田改滄
海年年杯渡安

赭龕山色入松寮學駕青羊步步搖眷屬雲中新胖合聽

他低唱自吹簫

沈髓親窺石室書丹成罪過盡消除庚申自倚仙人杖萬

劫罡風上斗車

十二樓高瞰五城步虛颺忽羽衣輕華鬢尊者莊嚴甚不

道重來也目成

得意親隨八月槎歸來反失棗如瓜門生門下休相怨解

渴重斟五色霞

姓名新列上清書卅六真靈盡不如頗得辰谿砂乳力金

精長護赤城居

玉岡東面蜃樓多安樂原來竟有窩瑤草滿山供莖秣且

看支遁意如何

綠髮方瞳骨相奇眉間黃氣見多時靈丹仍在西王母卻

怪嫦娥竊藥遲

青鳥書來跨鶴從羣仙分道控鸞龍不知誰啖胡麻盡天

上還聞飯後鐘

元和集

卷八

三石船居贖稿

正月二十日招同鏡之松存姚次梧

桐生陳榕盦煇

張昕園最魏爾賓士鴻劉潤生德澍諸鄉人會飲

仍用東坡是日女王城詩韻

蜀山鳧舄集吳門笑我官居似一村縣署三面皆曠地報最連名

甯有補客冬大計潤生與予皆列卓異憂時欲淚幸無痕中年絲竹憐安

石鄉國瘡痍付吉温中坐談吾蜀近事相與慨然四坐相看青鬢少催

歸恐斷杜鵑魂

二月三日得納谿蔣達軒中翰茂璧書并賸一律卽

次原韻報之

鳳閣詞人氣軼羣書來南國正春分

是日春分

功名都類鮎絲

竹聲利甘如蠹避芸簪筆掖垣追頽澣卜鄰京洛接機雲

羨君三徑招邀便二陸風流善綴文

達軒京寓與高蔚然駕部激嵐編修兄弟

鄰故及之

王廢基

休沐前看柳未芽今來新翠已交加橋西一樹明於雪開

滿丁園木筆花

初夏雨中漫興

藤花落盡葉森密雨斜風著意侵天入黃梅疑有例雲

元和集

卷八

四石船居贖稿

歸綠樹欲無陰階前礎潤長如昨郭外農忙始自今坐對

庭柯看滴露幾回重炷海南沈

紫藤花下醉歌用朱竹垞韻

去年冰雪三尺豎叢桂幽蘭半枯槁餘寒凍入花之胎一

春芳事殊草草衙齋卉木更無多盆盎落英如電掃茶蘼

已失玉盤孟寶相空羨紅馬腦惟有古藤根植固老榦蟠

屈逾栲栳游絲翠泥露涓涓嫩葉青翻日杲杲初苞偶見

白雀鷓細蕊時任黃蜂抱垂垂瓔珞交枝柯勢重欲壓棚

格倒開雖較遲久尙繁新陰況比槐龍早午晴風細烏聲

和如坐花間春未老卻思蚤歲錦官城洗馬池南穿石鳥
柔條影蔓拂行肩絳雪玲瓏點衫襖舊游回首二十年黃
蘆寂寞沈英藻成都子龍潭有紫藤一株花時常偕朋輩
往游舊友張旦卿李奎樞陳子蕃今皆作
古人矣追念陳花前不醉今何爲紫鳳蒼虬正娟好
迹對此憮然

光州吳粵生大令鏡沆開濬鎮洋蕩涇三渠旣成有

詩見寄次韻和之

宦情贏得鬢如霜心事悠悠自揣量論史直須浮大白逢
時不羨逐飛黃故人憐我腰同折大吏嗤君項獨強以辛
壬冬

春事爲誦新詩知美政芍陂經畫本循良

元和集

卷八

五石船居贖稿

膏腴斥鹵惠斯民任涸廉泉不潤身茜草涇邊收棄地杏
花時節少閒人龔黃譽問誰爭掠史白規模自可循遙識

三渠春漲膩勸耕歡集酒千巡論史節與符大白

舊蹟親尋嶽降前三渠初濬在五十七
年前實君始生之歲使君七日駐華旃

同時吳祐多奇績再世韋皋有夙緣二郊遺書資治譜三

吳大利在農田不須約束勞均水五萬鱗塍漾碧漣水利
所及

蓋五萬
餘畝云

五年我愧領鴻城水飲湖心愛滅明隄築金涇栽柳徧塘
沿章練載花行今春濬章練塘市河合長三千
三百丈有奇四月初始收工白公錯擬

名難副赤子誠求教未成何似弇山歌詠滿七鴉映澈玉

壺清七鴉浦鎮
洋水名

十二辰詩

鼠獄不可學牛後不可為虎頭萬里相免園安足羈龍泉
乃知我蛇珠將贈誰馬班夙所慕羊何行當師猴憐冠沐
久雞與絮談宜狗監方爭附豬肝良自悲

彭縣唐容川儀部宗海為同治己庚間肄業錦江書

院之友別二十一年矣癸巳初夏紆道來訪歡聚

累日作詩贈之

元和集

卷八

六 石船居贖稿

石室論交並少年今朝相對各華顛驚看面目猶能識苦

說髭鬚劇可憐幾輩黃墟成異物謂吳社繁陳子蕃諸亡友萬言金匱

有新編容川著有離懷廿載愁難盡風雨聲中意黯然

天中節過逾旬不雨苦熱至不可耐十七日午後偃

坐藤軒驟雨忽至喜賦長句誌之

五月未半暑已酷亭午驕陽有炎毒火雲燭地軒窗紅十

丈藤陰不敢綠藤陰深處熱原少今年熱意偏來早一旬

不雨蔓爭鬢三面當風葉半槁下有人兮脆於葉侵晨便

怕窺簾額簿書長日頗眉攢枕簟深宵猶汗漉况兼四野

新插禾水車聲急通宵多老農炙背不知苦高田未種將
奈何城中疵癘又紛起吳人悚息吳醫喜連朝我亦苦不
眠病似相如渴欲死憂民憂歲還自憂起瞻雲漢魂爲愁
豈知龍公恥憑藉晴空能使甘澍流往時雲濃雨乃足今
朝雨比雲來速風聲亦較電光遲奔走百靈太倉猝震雷
破地摧高柯是日葑門內雷折一古樹銀濤倒瀉聲如河乍看檐溜出
飛瀑頓使窪水成盤渦須臾坎窞水皆積平流何止添一
尺明朝秧馬滿新田萬畝千畦同一碧斯時我坐青藤軒

耳目欣悅口忘言形神交暢痼亦解玉液汨汨充關元夜
元和集

卷八

七 石船居牘稿

涼定許得美睡清氣沈酣歸夢寐不愁喘月有餘驚大好
開尊先薄醉醉看棚格無纖埃藤花萬乳方重開遠檐紫
雪浥新露雨中漸有香風來香風吹散炎威苦不爲三農
還鼓舞莫笑藤陰學卧治遠勝去年今日方祈雨

藤花旣謝復開五月中尤盛喜成二絕句

榦作蟠虬蔓結蛇平鋪翠窺冒檐牙最憐綠葉全舒後開

出三番四度花

西院春風紫雪飛東軒頗惜見花稀豈知芳意長留住看

過端陽乳尙肥

亮儕以和人排悶詩見寄卽用其韻報之

離奇萬種家園夢攪入鄉心未忍捐每憶少游思下澤空
教安石惜中年宦情冷慣翻嫌熱詩句整成不礙圓兩地
欲歸歸得否阮囊羞問買山錢

新蟬晴午咽嘈嘈避暑難爲挂檄逃清簟疏簾護背靜寸
箋尺牘草心勞娛親我慕崔元暉憂國誰如左伯豪忠孝
情懷長鬱結不堪霜鬢短猶搔

簿書叢裡有吟聲結習難忘舊日情政拙幸無蝗入境官
忙偶似鴈催耕勒移文在青山老招隱詩成白髮生正憶

元和集

卷八

八 石船居牘稿

弟兄銷夏處石船流水綠煙橫

研摩籀篆愛冰斯翠墨炎天手自披識字豈眞憂患始劬

書漸有子孫知秋風蕩鱸情同切春草池塘句莫遲何日

肩隨過洞口羶椎親訪白麋碑

吾家七里許有白麋洞聞近年土人於洞口掘得古

碑余兄弟均尙未及見也

六月二十三兩日再蒞北市口占

豐茸細草碧於莎掀翠搖青漾作波兩日午晴人再到風
來都帶血腥多

遼塞當年躍馬過人頭慣見滿車多未期坐治清嘉俗無

奈探丸鼠輩何
令出人頭又送一車來蓋絕實也

余昔游遼瀋有卽事詩中一首云銀刀隊裏綠旗開吹雪風號畫角哀遙見將軍新

伏雨初過暑氣清道旁野麥荷鋤行也應惡草芟夷盡坐待嘉禾滿地生

十七之夜復蒞北市又占一絕

滿路明蟾炯似銀風涼草輒夜無塵今宵孤負團圓月添出清輝照殺人

送別華陽王綬荃大令

秉愨

錦官城東故人面別十四年不相見南風六月吹吳船一元和集

卷八

九石船居贖稿

笑連宵共清譙鐙前注視須眉蒼頗怪容顏都改變浮沈僚底等飄零豪氣未除時隱現憶昔逢君正少年碧雞坊前春服袵草綠千門任醉游槐黃幾度追文戰矮屋功名得意難掉頭那惜飛勞燕我從京國更飢驅雪窖冰天閒踏徧投戈又上公車門長安花好空留戀是時君亦賦出山隨牒將之鄒魯甸宣南病起送君行歌罷驅駒渾齧眩
庚辰客京師與君再別時余適苦病從茲南北各分馳泰岱風雲勞企羨昨朝越海和吹填歸帆路人吳門便
君甫由粵東省其兄雪丞同年太守於肇慶歸惠然肯挾清風來坐冷藤陰談未倦君積年資在東魯

政焚防深歷練雙鳧偶聽梁父吟

曾暫攝泰安縣篆

去思可入循

良傳賢勞卓著不矜伐坐看時髦爭鶚薦我於民社雖藉
手祇慙賦性成迂狷未能巨室結新歡敢期速化希時彥
爲君扼腕復自憐生世方知官獨賤蹉跎人事送流光兩
鬢霜痕如集霰便思學劍作飛行不然學仙亦輕倩胡爲
局促同轅駒鞭飼由人自驚顛諸葛之井君故廬石舫之
居我鄉縣山中人兮儻見招輕舟更源都江堰歸歟正復
無多求田三五頃書千卷閉門蔬粥清且閒杞憂滌盡尋
歡拊問君此計然不然宦海茫茫誰我援留君不住重脚
元和集

卷八

十 石船居贖稿

躡西北風吹帆一片東歸倘或遇興公爲道遂初思共擅

謂榮成孫佩
南山長葆田

初秋感興四首

西風塵起又多時秋感年來例有詩人似齊紈原可棄病
如梧葉竟先知寥天鴻雁聲初度遠道鱸魚夢已馳蕉萃
情懷易振觸不關清興動涼颼

炎威滌盡暑風清倒瀉天河作雨聲北客又傳民苦潦南
郊新見帝祈晴澤中噉雁先秋集橋上驚鼉鼓浪行聞道
白登溝瘠滿那堪災象到神京

連宵雨勢劇滂沱澤國淫霖最怕多
棉正結鈴防灌頂稻將含穉未成窠
陰陽消息京房傳齊楚憂虞瓠子歌
農事關心天意杳登樓王粲奈愁何

腰圍瘳減帶嫌寬比似休文恐尙難
每讀離騷增佻倅偶

談時事雜悲歡夢中死友張元伯
海外知交管幼安塞黑

楓青勞結想滿窗風雨又更闌
連夕夢與亡友陳子蕃中翰晤聚又若身在遼左時

其陶霖甫大令過從也者故及之

昂兒赴京兆試入都後再有書來寄此勗之

清秋鴻雁正南飛報我平安信未稀
行路艱難逢水潦觀

元和集

卷八

七

石船居贖稿

光容易在皇畿佩弦汝可終身誦
衣錦人期得意歸畢竟科名須命達
多賢師友自光輝

送長白文農公

魁元

督糧廣東

鶚薦書騰

帝命宣旌麾嶺嶠拜屯田九霄

詔挾雲中電八月槎浮海上船
馬首歡迎支子浦驪歌唱

徹桂花天去思來暮同時詠
最是攀轅意黯然

樞垣昔奏上清書雞舌香含十載餘
赤管旌功天北闕朱

幡按部地南徐課蠶戶有長沙絹
買犢人依渤海車憶否

政成移節候羊碑過處盡欷歔
三吳劇郡盛衣冠韋白清規繼武難
寬猛協中人歛手公誠事上語披肝
虛堂有耀金心朗暮夜無私鐵面寒未讓
前賢專美去百城師表此間看
記從學讞久追陪換縣仍依樾蔭來
冊日秋霖驚鱗舞六門春振息鴻哀
朝天人恐崔戎去越海羣迎郭伋回
兩袖清風輕往復甘棠留得四年栽

資厯深兼望更優二千石內竟無儔
吏因悃悞邀青眼人為賢勞易白頭
夾袋儲名知己感隻鞵遺愛使君留
板輿元和集卷八
躬導尤堪羨一品衣披戲綵秋

卷八

七

石船居贖稿

陽關催到第三聲激電雙輪破浪行
畫像祠堂爨布社前驅笳鼓尉佗城
河山迥隔勞馳戀滄海橫流待廓清
開府重來應未遠望公何止一鯁生

秋懷二首用東坡韻

秋風有寒意所憂在農時苦雨日以至
吳棉摧可悲藤軒積陰黯溼暈生書帷
老榦若梯磴靜夜騰鼉狸可憐雙鵲來
不敢棲虬枝腐草知多少為螢爭飛追
微明亟自炫遑計霜雪期霜雪豈有擇
無為長嗟咨木葉倏已脫松柏彫

總遲

昨宵聲喧雁捲地走飛雨淒切傍枕鳴亦有孤蛩語似訴
窮黎心今夕愁敗堵茅屋破且頽遑論滴漏苦不識濱湖
田誰能捍禾黍三吳亟水利宣洩滙黃浦胡爲三日霖遂
使憂百畝蛩兮爾母然會見晴光吐

中秋對月有懷潘卣笙茂才

昌煦

風靜高空漾碧煙露華如水落襟前不知此夕天香裏可
有蛇珠似月圓

卣笙方就
試金陵

平分秋色恰中分

昨日適
秋分

悟到前身欲化雲大好六朝宮

元和集

卷八

三

石船居贛稿

裏月清宵來照九苞文

晚出橫塘

出郭西風緊橫塘日暮過水添新漲急山雜晚煙多野岸
遙連市溪橋陡作坡塵勞方攘攘慙泛太湖波

姑蘇曲

姑蘇臺上烏栖早姑蘇臺下多秋草芙蓉落盡屨廊空滿
地寒花人不掃劍池沈沈石未開吳王已去張王來金題
玉礎入天半又隨黃葉成飛灰繁華自昔稱斯土暮暮朝
朝足歌舞誰念往時麋鹿游祇憐月夜唳烏苦

九日

稭稻如雲待晚成重陽吳下最宜晴天逢佳節煙霾淨人
有餘閒訟獄清徑訪陶公回俗駕祠尋長史發幽情歸來
還賦高軒過趁把菜萸醉百觥晨閒訪強廣廷先生不遇
遂至滄浪亭獨眺歸招同
王鹿峯太守吳耀堂陳素
香凌鏡之三大令一飲

重九後二日偶過王氏廢園便入一眺俗所謂獅子

林者也極目荒蕪慨然有作

荒園秋草如黃蘆入門四顧迷徑途羣兒爭路作前導下
緣滑磴爲南趨穹碑三丈兀中立蒼苔翠蘚生龜趺龍章

元和集

卷八

古

石船居賸稿

尙煥雲日表亭柱傾仆無人扶西行所見皆瓦礫曲池北
轉廊回紆縱橫畦菜雜方礎爲思陳迹增踟躕闌干曲曲
俯清沼掬水得月良可娛芙蕖香入金尊滿想見樂此非
凡夫飄風掠耳電過眼人物并盡餘榛蕪惟留石阜在東
圃層叠巧構傳倪迂圃東叠石爲山有洞在其下極玲瓏
之致相傳爲倪高士所作實非也

有如山巒峙高下幽巖複洞通天都又如堂奧極深邃豁
然啟戶臨交衢溪橋曲折沙水淺仄逕上躡雲根麤鸞翔
鳳翥蒼龍起蹲踞虎豹蟠蜿蜒猗猗獐更肖旆林種厥狀一
一難描摹奇形百變出鬼斧惜哉漸圯叢蒿萋桑田滄海

僅彈指何況此石眞區區五松之名昔已殊

園本名五松久無人知矣

雲林手蹟尤多誣王孫零落依敗堵堂前燕子今有無徘徊

歷涉不忍去霜林日午猶嘯鳥故山石屋本天造洞中

泉落如珍珠米流巖腹事雖幻白麋許任仙人呼其閒軒

敞勝精舍視此培塿堪胡盧

吾里白麋洞亦曰白米洞相傳米從石隙流出也隋劉珍

隱此得道仙去嘗養二白鹿故名見合江志

流連竟日亦安用布帆無恙盍歸

乎山中書來不相許且覓九節青菖蒲

近得繼可舅氏書不以余歸田之計

爲然故及此

初見菊花作

元和集

卷八

五

石船居贖稿

冷豔不易得今年開更遲直於重九後始放兩三枝逸品誰能擬幽香蝶未知似嫌秋熱在珍秘傲霜姿

石門吳氏有黃葉村莊種菜圖詩冊乃其先世孟舉

徵君

之振

所留遺者偶從友人處借觀輒題四絕

卽用其韻

清時眞覺布衣尊珠玉連篇指上捫手澤劫餘終未墜從

知八葉衍仙根

遶屋泉流幾曲斜門前青翠長芹芽菜根齧慣無凡骨不

羨安期海上瓜

畫圖猶見山居樂頗似吾家徑可捫黃葉滿林歸未得菜
畦秋老竹籬根

滿園冬菟翠橫斜甘薺經霜有怒芽苦憶故山多旨蓄早
梅開處摘寒瓜

廷獻姪歸仍用初至詩韻送之

吳帆西指虎牙灘人爲言歸意最歡入峽定知飛棹速到
家轉恐寄書難好瞻叢桂趨先壘且共庭梅耐歲寒苦學
更期蠲敖惰莫將壯志易銷闌

哭太守閩縣可莊王公

仁堪

元和集

卷八

六

石船居贖稿

天公故靳吳民福十萬蒼生一齊哭朝來淚雨濕蘇臺悵

望慈雲猶在目慈雲移自京江濱隨車雨洗秋郊塵令下

不驚流水速八十四日如陽春

公自鎮江移守蘇州以七月廿七日泄任十月十九

之夕麤焉問公年方四十五父老歡談增鼓舞聚觀猶說狀元

郎召杜龔黃安足數何期一夕鶴鷄呼紅綾束帶藏孺弧

麝臍香煖劫真氣善人罹毒繫天平哀號夜半驚堂上白

髮龍鍾魂魄喪遺腹淒涼尙夢熊墮地啼聲亦悲愴

公母太夫

人尙在堂有子六人既歿之

五日遺腹生一子曰孝綺門前弔客空復多孫叔廉吏

今如何閩山千里歸不得惟有大鳥栖庭柯我來慘聽哀

雛鳳車過朝朝愁腹痛不關故吏感私恩此淚還爲天下
勳

邵彼泉少尉

景堯

以所作仕隱詩草索題應以一律

早蛻塵纓又幾年哦松尚祕舊時編爲人起死猶餘事教

子承家有俸錢遺愛碑鑄姑熟路閒情酒泛太湖船黃精

白朮吟聲健癒我何殊讀杜篇

彼泉精于醫爲予治病甚效其自燕湖解官歸已三

年矣有子官鄂中已得缺

中宵

嘔心長吉我深慙熏灼中宵總未堪半屈半伸人似蠖三

元和集

卷八

七

石船居贖稿

眠三起僕如蠶游仙夢短丹田沸消渴方疏玉液甘自笑

熱中原不甚冰懷煨盡在江南

病旣漸解寄亮儕弟七十二韻

偶病因得閒病久閒亦苦曹騰旦暮間坐卧難自主心閒

情乃逸身閒樂可取身閒心未閒外內已相迂而況身不

閒制病如伏虎當其熱上熾有似燄初吐頃刻竟燎原炎

炎入靈府情田方寸區焦烈成燬土聚若炭在鑪散爲煙

結縷忽焉肝欲裂痛若斯以斧忽焉肺欲張急若勁於弩

背脊爲所牽擁被猶僵僕何物鬼爲厲窟宅踞臍腑二豎

與三彭煽虐敢予侮恍懼祖龍毒一炬起堂宇延燒逮廊
垣縱橫達臂股炙手勢絕倫執熱安足數心如火煎熬身
似浪掀舞疑就五鼎烹自問非主父鳴鏞何從來恁耳喧
金鼓牛蟻都不聞幾與聾丞伍寒宵苦不眠徹夜聽更鼓
欲叩黑甜鄉何異訪元圃涓涓血漸枯慊慊氣不聚稜稜
肉易銷惴惴神亦竄自秋而徂冬八旬勉撐拄趨府朝奔
馳聽訟夕判剖燕談接賓僚蟻字點文簿笑語強將迎心
思思莽鹵詎真樂不疲終冀勤可補外疆中愈乾隱忍希
自喻傷心十月中崩壞及梁柱觥觥太守公轅方回按部
元和集

卷八

文 石船居讀稿

箕尾遽歸神長此棄簪組枕上聞噩音奔弔淚如雨一慟
摧心肝竟步長吉武自爲天下惜邊計骨將腐車從三步
過腹痛不可俯長至節將臨自分成千古慈親惟疾憂忍
淚笑撫摩伯氏開譬殷苦語常護護妻孥不解事涕淚未
忍覩每於綿悒時追憶及孩乳四十八年非錄錄慙建樹
外旣負君民內復愧宗祖一事尤疚心兩世創一譜家乘
未成編恐終覆瓿飄轉思予季在年力正堪努遠志夙恢
宏何僅支門戶繼述事在茲撰著勇可賈羣從漸能文莫
更嗟踽踽念此心帖然如潮落海浦良朋雅相愛勸以學

聾聵抑慮屏見聞調息養和煦常令丹田溫更激玉液溥
雖難和緩求卒得藥餌輔既過懸弧期六日夜交午夢裏
見阿爺捧喝警痴魯孤兒蹶然驚悲似初失怙懸知九原
心尙望守繩矩似嗔千鈞軀斲削成苦窳儻非爲兒憂胡
然爲兒怒

中冬廿六夜夢先大夫以杖撻瓊首而寤是夕病遂未作

從茲餐飯加引寤

常栩栩朋好賀更生每見必揚詡民事懼久廢况憂澤未
普惟當再習勞遑敢怨靡鹽病來失所據有若舟脫櫓病
去竊自強有若燕初羽終嫌在官身小病如驕虜勦除久
始平骨瘳髀空拊有官閒最難無官定早愈述此寄下蒲
元和集

卷八

九 石船居贖稿

嘉平月初五

高九拙園以感事十首見寄病中讀之不啻杜詩陳
檄沈疴小間因卽近所慨喟者成七律六章盍各
之辭亦竊比於言者無罪云爾卽以報吾拙園

年時木介早驚心樑棟摧殘感不禁霜夜吳宮霖雨歇雪
天越嶠大星沈遷除破格畱圻重富貴乘時關鍵深底事
更揮司馬淚八門才俊盛如林

鉤鈐星朗育菁莪選士期求異等科北地一時遺璞少南
中六雋擬刀多臺臣撻伏言無隱

聖主推恩法不苛，獨怪鳳凰池上客。
萬金裝向鬼門過，槐黃佳氣滿青門。
前乘輝騰使者軒，家世能文推舊族。
鄉人同日拜新恩，卻因福地多奇遇。
終使長秋咎食言，聞道彈章徧傳誦。
羣公應惜半千孫。

車前莫恨八騶無，兩部威儀正塞途。
蹋壁肩隨射雕手，破車膽落牧豬奴。
如何一紙書纔下，竟作三聲艾並呼。
漫羨蒼鷹輕鷺擊，水衡錢已足冬租。

使節新移漢上旌，萬重煙霧指青城。
曾聞籌筆資奇畧，肯信同舟轉忿爭。
粉水易污天本漏，銅山可鑿地難平。
故鄉元和集

卷八

三 石船居賸稿

莫問寒梅訊，衣錦枝柯最向榮。

舊游憶到十年前，前鴨綠江頭路幾千。
虞詡艱難鉏劇盜，翁孫規畫拓屯田。
一從蕙苾成孤憤，祇賸脂膏潤後賢。
誰念徙薪籌滅貊，漸看箕踞向南天。

一官潦倒病魔中，慙負民生問藥籠。
無過自疑成巧宦，有書猶未到真窮。
才思早並江淹盡，私計還輸阮裕工。
差慰故人垂念切，公餘睡足理詩筒。

華陽王樵也 增祺 韓城書來並寄近作次其重陽無

菊用東坡九日黃樓詩韻一首畬之

長安別離不可說宣南苦待秋榜發本期同作冰天遊卻
笑終嫌雪窖滑空令張軌思易衣難爲王生重結韞歷今
忽忽十二年鄉酒郫笥都未呷壬午秋余自遠左入都樵也方應京兆試出初約借
行訪張今頗通化後卒不果今十二年矣君從馮翊栽花久移根偶傍石泉插
詩名政績並新美莫怪秦中爭妬殺龍門五時遊迹徧留
題更上金天刹我慙政拙詩亦慳吳下阿蒙尙相軋同是
宦游優劣殊病魔况復頻欺壓惟有黃花開總早年年菊
山高鬻鬻惜君不卽放吳船來聽境內能言鴨天隨鄉里
足清娛大好煙波勝蒼雪

元和集

卷八

三 石船居賸稿

東坡生日命兒輩邀同林生靜齋之祺潘生卣笙集

蘇祠爲壽用林文忠公伊犁雙硯齋是日詩韻作

長句示之

長公詩文無不奇千年上下誰等夷生日迄今八百五十
有八載海內人士咸樂馨香頂禮尸祝之兒曹讀書貴尙
友眼孔當使大於箕欲學有成在乎熟如米作飯要須炊
公生吾蜀跨八表有似天衢神駿轡絡黃金羈當時父子
兄弟並千古眉山遂重天西陲一生磨蝎不自悔老大流
落南海湄文章政事本忠愛詩酒中亦以是爲藩籬後人

景行在玉局若遵王路循聖涯何況生長共鄉里玻瓈江
接流杯池願爲范滂我亦許瓣香在是不須疑吳中祠宇
夙依定慧院香火初惟僧所司客冬重葺實自我落成正
際雪深時去年壽公集耆宿老成談讌能憂危去歲潘譜
琴庶常朱
硯孫少京兆諸公皆來與
祭坐中談近事頗深感喟今年壽公命子弟祇惜諸郎遠

遜荀氏之入慈龍眠畫像石刻有二本笠屐貌出天人師

升階往酌琉璃卮壁間更誦歸來詞祠有石像二及公爲
卓契順手書歸去來

辭念公常以明珠白璧親爲潘谷詠又以湖光山綠題入

林逋詩兩家後人擅才雋招邀不待借馬騎當筵麗藻霏

元和集

卷八

三 石船居贖稿

玉屑清如古雪屯峨嶂紫袍腰笛親奏南飛曲吾家舊事
有若茲汝曹試學臨風吹公定驂鸞控鶴一笑掀髯鬢

吾家竹樹蔚蔽翳四周雖際歲寒青蒼不改偶爲

明輩語及憮然在念漫成數截句以張其勝

宦吳爲有好湖山誰信幽居勝此間遶屋扶疏蒼翠滿十
年鄉夢最相關

杉柏樟楠深復深山風起處作龍吟龍蔥不減冬青色長

見先人手植心

好竹連山種類多修篁細篠翠成窠年來未劓林間筍應

有龍孫綠上坡

分行叢桂蔭吾廬牆角紅梅錦不如雪後花開香兩月行人認是石船居

柞葉聲乾橡實肥霜林木落午陰稀閒行貪看紅烏柏驚起隔離山鷓飛

勁節森森二百株虬枝翠聳一峯孤兒時曾爲呼松蓋赤甲蒼髯許念吾

宅枕一山古松在其上偃亞如蓋數十里外卽遙見之余少時嘗名之曰松蓋山

除夕

烏帽黃塵苦自羈殘年又送日西馳鞞鷹籠鶴空思奮棧

元和集

卷八

三

石船居贖稿

馬轅駒總易疲有病未除希習靜無才可見在憂時卻從靴板紛拏外留得閒情獨詠詩

春風頃刻到人間祇惜流光去不還豪興已難追北海雄心猶夢射南山歲終苦樂千村異老去情懷兩鬢斑無補民生徒自困一年曾得幾時間

新歲書事

精璆華玉奉

璇宮

舜步

堯趨日再中元會衣冠班左右寶星筵宴幄西東魚龍百
戲行魚盛鸕鷀千官賦韻工于薦于歌誰更奏可能聯袂
卷

皇風

溫綸連日下天閭鳳閣鸞臺好看詳薄海尊親

周太姒大封優異漢諸王卽親

恩禮承油戟終爲勛勞念繡裳聞道彭城餘涕淚白雲松
竹思蒼茫

斗南幕北漢天驕歲覲威儀邁渭橋內外盟通青海部舅

元和集

卷八

十四 石船居賡稿

甥恩重紫宸朝黃桂紫纓侔枝昵翠羽金貂陋步搖

錫類更深根本計乘邊不待霍票姚

普天同日盡歡聲電挾佳音萬里行雨露恩多中外徧雲
霄望重羽毛輕若爲論道資桓尅竟許兼官到宰衡異數
卽今超百代好披肝膽報昇平

睡起

嫩寒消盡布衾溫病去孤眠有道根春夢也如人事嬾徹

宵蝴蝶未蘇魂

寄羅江廖功甫大令

鴻緒

閩中四首

二十入成都交君在石室機雲東西頭且莫共佔畢七載
上公車都門仍促膝衣滿帝京塵布袍黯於漆三十走遼
左匹馬自驅叱君亦策蹇來同聽胡天策四十到吳中一
官如蟻蝨所幸風日佳時奉板輿出忽聞君遠至陳榻意
親暱會難聚易散揮手滋慘慄送君闔海行歲月逾梭疾
兩地十年心惟倩尺書述

尺書去復來藏之已盈筍每言別後顏鬚鬢先顛頽君旣
霜滿梳我亦雪侵髮何況筋力衰老態日以至回思識面
初視世無難事草堂月數遊錦里時一醉使酒坐客逃縱

元和集

卷八

五

石船居贖稿

談俗子避徑爲三益開日可萬言試觥觥同舍生歡締金
蘭誼葉公最謇諤陳子饒嫵媚吳李與鄒羅臭味無殊致
後得張賴汪戴宋并劉二情性旣交孚敦勗在道義人事
日以乖出處誰位置遂令蹤跡疎復有生死異存者餘晨
星聚會恐無自豈惟我與君念此增愁思西北風南來疑
有懷人淚

葉星亭陳子蕃李奎樵賴子誼鄒吉生及合州羅欣木德榮溫江張旦卿仲義資陽汪朗齋致

炳江津戴政甫汝欽井研宋子城國墉中江劉少芸聲琦皆先後肄業錦江書院之友

闕山深復深君入亦已久頭巾老未脫能得青眼否桓桓
弈世勳

謂張公

巍望比山斗吳門接緒論謂君志不苟遙

聞棘闈開再借雕龍手洗眼雲水中薦土出瓊玖

君兩次分校闈

闈所薦多知名士

如何昨書至尚向峯市走

君近奉檄赴上杭之峯市權釐

爲關

今爲暴稅政天下有賢者豈異人自信在操守當世征榷
場搜括盡絲綌舟車苦苛留膏血飽羣狗東南民力竭念
之深疾首懸知寬恤懷事事心語口冷洋高業業大溪清
瀏瀏一笑聽輿歌看君進春酒

君昔訪我來我將溧陽去溧陽山水鄉僅得三年住一移

元和宰轉爲奔走誤民事真後圖清夜汗如注昨朝奉官

符行踏毘陵路陽湖雖劇邑俗靜稀訟訴寄此衰病身或

元和集

卷八

三

石船居贖稿

易滌沈痼祇慙雞鶩羣爭食非我素勞生四十九半百成
虛度勤職豈所辭逐勢曾何慕况聞杞人憂今亦爲此懼
何當與君偕把袂看鄉樹重話少年游歸歟盍共賦

...

...

...

...

...

